

بسم الله

ساره: علياء

علياء: امم

ساره: انا قرفت وزهقت ومبقتش عارفه اعمل ايه

علياء: والله انا اللي زهقتك، ماهو مش بالطريقه دي ولا بالشكل دا انتي عشان قلبك طيب وحببيتها و عشان عملت معاكي كام

موقف حلو هتبقى هي البيست فريند بتاعتك

ساره: ايوه هي كويسه ووو

علياء: بس بس و ايه و ايه، ياساره يا حبيبتني انا اختك حبيبتك ومن كلامك اللي حكيتيه انا شايفه ان مش من مصلحتك تكوني

صديقتها هي متسأهلهش

ساره: يووووووه بقا كل شويه نفس الكلمتين، ايه اللي مش عاجبك فيها ها قولي

علياء: مش انتي قولتي ان كان مطلوب منكم في الجامعه ابحاث وان الدكتوراه قسموكم لأربع فرق عشان البحث وهي كانت معاكي

في نفس المجموعه؟

ساره: ايوه

علياء: وقولتي كمان أن وقتها قسمتو كل الشغل على كل واحد في المجموعه وعرفتو كل واحد هيعمل ايه وانتو الاتنين شغلكو واحد

بس كل واحد بطريقته عشان في الاخر تاخذو افكار كويسه من شغلكم انتو الاتنين

وتجمعوها وتكملو البحث صح؟

ساره: ايوه

ساره: (بتكمل كلامها) ووقتها احنا وصلنا قبل م باقى مجموعتنا بيجو وهي شافت افكاري وانا شفت افكارها وقالتلي ان افكاري حلوه

اووي وقيمه وهترف من درجاتنا وقتلتلي انا هاخذ الورق بتاعتك واقدمو للمجموعه

علياء: ولما وصلو باقى المجموعه قالت انها هي اللي عملت الاوراق دي بمجهودها ونسبت الشغل والاوراق ليها، وبعدها الدكتور

ورئيس القسم بنفسهم سلموها جايزه صانعة افضل بحث لعام 2024/2023

ساره: ايوه

علياء: ووقتها قولتي انها قالت انكم انتو الاتنين اصحاب الفكره بس كرموها هي لحسن اختيارها للنقاط المهمه في البحث

ساره: ايوه

علياء: ايوه ايه ياساره هنتشيليني حرام عليك اني اعوزه دليل ايه تاني يثبت انها مش كويسه وحقوده وقلبها اسود

ساره: لا متقوليش عنها كذا كانت بتشجعني دايم في البحث وفي اي حاجه

علياء: يابنتي هي بس عارفه ان مخك كويس وتفكيرك عالي وهتعرفني تحققي وتنجحي عشان كذا كانت بتعمل الكلام دا

ساره: لا هي كويسه وبطلتي بقاء، انتي اعوزه تبعديني عنها وتفرقيني عنها، معقول انتي علياء اللي كانت دايم تقولي صاحبي ناس

واعرفهم واقعدي واتكلمي واتناقشي خليكي اجتماعيه ويوم م اصاحب تعملي كدل وتقولي الكلام دا، انتي اختي وال عدوتي اعوزه

بس تشوهي صورتها قدامي

علياء: (الاخت بتعجب) وبتمسك دراعات اختها وبتتكلم بعباط وانكسار وعدم تصديق) انا انا ياساره انتي اختي ياساره ولايمكن اعمل

كدا، بس انا مش هياس وهفضل معاكي وهقولك اي الصح وايه الغلط احنا اخوات ولازم نكون سند لبعض

ساره: سند (بسخرية) سند ايه يا علياء انتي مش شايفه كلامك هو دا رد فعلك على اني ابتديت اصاحب من اخر مره اتخذت فيها

جايه تاني تقولي كلام زي دا

علياء: يا حبيبتني لازم تختاري صح والتعامل الاول يبقى بسطحيه وبعقل شوفي تصرفات البنات اللي هتصاحبها تناسبك تناسب

تربيتك واخلاقك وال لا تعينك عالصح مش الغلط تاخذ بايدك للخير مش للشر

ساره: انا مش اعوزه اتكلم في الموضوع دا تاني خلاص حاسه ان اخر الكلام خساره لبعضينا

ساره: انا همشي الجامعه دلوقتي وبتكلم بعدين بقاء، سلام

علياء: (قاعد في حيرة وبتفكر في حال اختها انها دايم بتتعامل بقلبها وبتحب الناس كلها وطيبه اووي لكن احيانا تتصرف بغياء من

كثر طيبة قلبها مفكره ان صحبتها تماره دي كويسه عشان بس من خمس شهور اتعرفو هي وتماره، وتماره كانت كويسه معاها ومن

وقت م تماره عرفت ان ساره اشطر واحده في الجامع بدأت تتعامل معاها كتير وتقرب منها وتستغل طبيعتها لصالحها وان كل حاجه

بتعملها عشان مصلحة ساره، وساره مصدقه دا جدا، وساره مفكره ان تماره بتحبها فبتحكيها عن حياتها الشخصيه وعن اختها وعن

انها بتتكلم مع اختها عن تماره، والست تماره منتواش بتحرض ساره على علياء)

بَعْدَ خمس أيام

في الجامعه (مع الشله بتاعتها)

تماره: (بضحك وسخرية) شفتو ههههههه شفتوها وانا بصدمها صدمة عمرها وبعرفها ان طول الخمس شهور ونص دول اني

مصحباها عشان مصلحتي

واحد من الشله: اه وشوفتي كمان لما كانت متفاجاه وبتتكلم بصراخ وانا هوريكم وانا هعرفكم مين الخسران فينا ومين الضعيف فينا هههههههه

دخول ساره وسماها للحقيقه وكل حاجه بتتقال

ساره: برافو برافو انتى انتى تعلمى كدا انا اخدت مقلب جبار (بثقه) بس مش انا الخسران انتى الخسران
تماره: هو انتى فاكهه نفسك مين عشان بس بتقربك كلمتين وال عشان بتطلعي الأول عالدفعه انا اقدر اعلم اكثر من كدا كمان
ساره: انتى بتعرفي تلعي بمشاعر الناس وبس وشاطره فى انك تبيني لغيرك ان قد ايه هو غطان عشان بيتعامل بقلبو، هتستفادى
ايه باللى بتعمليه، ولا اى حاجه، انتى بس هنا عشان تتمسخري وتقلى من شأن دا وتصاحبي دا عشان مصلحه غير كدا سلامات
ساره:(بتكلم كلامها بثقه) بصى يابنت الناس انا ايوه اتخدعت بس هقولك كلمتين تعلمى بيهم وحتى لو عملتنيش خليفهم حلقة ف
ودانك ولهم فى بالك دايما

اللى انتى بتعمليه دا انتى والشله اللى معاكى دي مش هتوديكي غير للخراب، ضياع وقت، ومشاكل وحواديت انتى مش قدها،
حافظي على نفسك كويس اووي، ووفري مجهودك فى أذية الناس بأنك تغيري من نفسك وتطوري منها اتعلمي اى حاجه مفيده
تنتفعك دي دنيا واحنا مش بقاين فيها، واعلمى خير وارميه في البحر بمعنى مستنتنيش مقابل، واجبري بالخواطر متكسريهاش
وتأكدى ان كما تدين تدان ولو حتى عدا على كلامي دا 100 سنه برضو هيتردلك ويعالم هيتروك فى مين
خليكي كويسه مع الناس وسبيبي ذكرى حلوه تخلد مع ذكراكي بعد م تموتي وربنا يعينك على نفسك سلام يااااااا تماره(بسخرية وخبية
امل)

بعد وصول ساره للبيت

ساره: عليااااااااااااا علياااااا انتى فيبيبين (بعياط)

علياء: فى ايه مالك يا حبيبتى

ساره: كل كلامك كان صح كل رأي بتحكيه عنها طلع صح وانا اللى طلعت غلط

علياء: اهدي بس، شوفتي انا قولتلك المهم انتى دافعتي عن نفسك وواجهتيها؟

ساره: ايوه واجهتها بقوه عكس اللى جوايا، كلمتها بثقه عكس العاصفه اللى كانت فى قلبي وخذلان وانكسار كنت واحد تانيه كأنى

اخذت الصدمه برضى وانى عارفه معدنها واصلها

علياء: لازم لازم فى وقت المواجهه تكوني قويه مش ضعيفه، عشان لو شافتك ضعيفه هتسوفي فى عنيتها انتصار كأنها كسرت عزة

نفسك وكبرياتك فى وقت مواجهة الناس اللى

زي دي لازم تكوني قويه وشديده اوووي وتتكلمي بعقلك مش بكلمك واللى قدامك ميشكش انك ولو للحظه واحده مهزوزه هو دا بقا الانتصار بحد ذاتو ليكي وهزيمه لخصمك اللي كان عاوز يقتل كبريانك وعزة نفسك

ساره: عندك حق، بس لما جيت كلمتك اتعصبت عليكي وكمان لو هله وبغياني كنت هخسر اختي (بعياط وندم)
علياء: ياهيله انا اختك ولازم هكون سندر واعر فك الصح وكنت عارفه انك هترجعي في يوم وانتى عارفه معدنها ايه واصلها ايه، ومن ناحية انك تحكي فلازم اسرار حياتك تبقى في بير سر وأمان وهو والدك والدتك اختك، الانسان مش هيعيش لوحده لازم عيلتك بيت اسرارك، الانسان لازم يتناقش مع حد بيتق فيه ويحكي اسرارو نجحاتو كل حاجه وفي المقابل هيكون الرد والنصيحه فاهمه يا عبيطه

ساره: انا اسفه على كل حاجه بجد(بزعل وندم)

علياء: احنا قولنا ايه بقا اضحك بقا يا قمر، كابوس وعدى بس اهم حاجه الدرر اللي اتعلمناه

ساره: اتعلمت اتعلمت اوووي يا علياء

علياء: والسنت ساره اتعلمت ايه بقا؟

ساره: اتعلمت ان التعامل يكون سطحي اوووي وبالعقل واعر ف اذا كان ابشخص دا يناسب فكري وعقلي وترببتي وال لا هياخدني للصح وال للغلط، وان كلمة صاحب دي مش كلمه عاديه دي معناها كبير، وان حتى لو صاحبت والصاحب دا كلع دع واصيل بجد ببقى كلامنا عن نفسنا مآدخولوش في حياتي الشخصيه لدرجة انى اعرفو انا اكلت ايه النهارده، الدنيا مدرسه يا علياء وانا اتعلمت

صفحه من كتابها

علياء: الصغرن كبير

الأسكريبت الثاني

دفع الكلمات:-

أصوات ضحكات مسموعه وحكاوي ميملش منها القلب وخوف وحب وحنيه ممزوجين في شخصيتين لو سطرنا حروف الود عنهم منوصفش مدى حبهم لينا، كلامهم دايمًا فيه حكم، متربيين على أيام زمان، وطبع زمان، وجو زمان
«عن دفاع بيت الجد والجده اتحدث»
الجد واحفاده وتبادل الاحداث_ عن قوانين_ الحياه
الجد: ايه يا حبايب جدو، والله وبقيتو شباب ومنكم اللي تم ال 20 اهو، دا الزمن بيجري ومش محسنا بلذة ايامو
هنا: وانت يا جدو وحشتنا ووحشتنا لمتنا الحلوه دي
وليد: بس ايه الحلوه دي يا جوج الناس تكبر تعجر وانت تكبر تحلو
الجد بضحك: ياواد يابكاش
محمد: جدو انت المره اللي فاتت قلت ان حضرتك هتكلمنا عن حاجه اسمها قوانين الحياه
هنا: في 100 علامه استقهام ورا العنوان دا
الجد: العنوان دا وراه حواديت كتير اختصرتها بالعنوان دا
الجد: قوانين الحياه ياوولد ملهاش اول ولا اخر، هقولكم على قوانين خلوها حلقة في ودانكم وتكون مبدأ لحياتكم الجايه القانون الأول:-

الجد: الدنيا دي ياوولد ملانمه وتلائم، ملانمه مع عاداتها وتقاليدها وانها يوم لينا ويوم علينا، يعني ترضو بنصيبكم وقسمتكم واللى ربنا مقدرو ليكم مهما كان ف كل دا لمصلحتكم وربنا أعلم مني ومنكم، الدنيا دي مكان مش أمان، احوال مش ثوابت، مبدأها اللي يعيش معاها ويصبر على ايامها وميستسلمش لطعناتها المفاجأه هيسلك فيها، واللى هيتألم من اول ضربه وينحني هيتكسر باقى الجولات

ريماس: طيب يا جدو ويعني ايه تلائم
الجد: ما انا جيلك في الكلام ياسوسه، تلائم مع البشر
وليد: ازاي يا جدو البشر مش كلهم شبه بعض مش كلهم نفوسهم صافيه وقلوبهم طيبه، ومش كلهم ينفع تعيش وتتعايش معاها
الجد: كلامك مطبوط ياوليد، تلائم مع البشر انك هتلاقي منهم ناس طيبه، لينه، عطوفه، بريئه، اللي لطالما نفسو في الدنيا هيتمني الخير لغصن شجره تناثرت اوراقه منو، وفي بقا الجزء الثاني منهم، دي اللي بتهين ويتكسر ويتستهزأ بغيرها وعندهم لا مبالاه ومش هامهم دا اصلا، الناس دي بقا لازم تكسر تكبرهم وغرورهم اللي منسيهم انهم بشر زينا زيهم وان الدنيا دواره حتى لو عدا على الموقف 100سنه
هنا: طيب يا جدو وايه القانون الثاني
القانون الثاني:-

الجد: الكرامه، او عاكم تخلو اي مخلوق ينهش في كرامتكم زي الذئب الماكر و ينسف دمكم لو سيبوتوه يتلاعب ببيكم، وأعلى حاجه عند الإنسان كرامتو، فإن ذهب الكرامه فذهاب الإنسان إلى ربه أهون من ذلك
القانون الثالث:-

الجد: الظلم والعداله الإلاهيه
الظلم دا أشع حاجه في الدنيا دا الواحد ينام مظلوم ولا ينامش ظالم، او عو تفكرو مجرد تفكير ياوولد إنكم تظلمو حد فكرو في الموضوع وحققو فيه مره وإثنين وعشره، إن تظلم حد ف دا شيء مش هين، بدعوه واحده بس من اللي ظلمتو حياتك هتتقلب رأسا على عقب، واحذرو انكم في يوم تظلمو، تخدعو، تكسرو بخاطر حد، لان عمر كسرکم او خيانتكم او خداعكم او ظلمكم هيعدي بالساهل، هنا بقا هيجي دور العداله اللألاهيه، عدالة اللي اعلى مني ومنكم وقتها هيترد لكم محقوق حقه، كل واحد هيجيلو يوم ويأخذ جزاؤه في الدنيا قبل الآخره

-القانون الرابع

الجد: النفاق
أوحش إنسان في الدنيا هو المنافق اللي يتلون زي الحرابيه ويكون ب 100 وش ووش لأجل مصلحتو، دايمًا يظهرلك عكس اللي جواه ويشوش عقول اللي حواليه بأفكار مزيفه بنتبني على الكذب، الشخص دا بيبقى مريض بحب النفس وبشاعة قلبو، او عاكم تدخلو

شخص زي دا حياتكم، لانو كل م هيخطي خطوه في حياتكم هتكون بدايتها ابتسامه ونهايتها وجع، هيجسسكم بخطأ اختياركم لـ
شخص زي دا يكون حوالكم وفي حياتكم
محمد: يااااه يا جدو انت عارف كل دا عن الدنيا
الجد: الحياه يا ابني ياما هتعلمك وهتيجي وقتها انت اللي تحكي
وليد: جدو انت حكيت لحد دلوقتي 4 حالات ايه الخامسة بقا
الجد: اللي فات كوم واللى هقولهولكم دلوقتي كوم تاني ركزو في كل كلمه هقولها لان دي حاجه كان الرسول صلى الله عليه وسلم
يجب ان امتو تعملها
هنا وريماس في نفس واحد: ايه هي يا جدو
الجد: رد الامانه الى اهلها، سيدنا محمد عليه افضل الصلاة والسلام كان يُسمى بالصادق الأمين فكانوا الناس وقتها يعطو أماناتهم
ويتركوها عند النبي وهم على يقين انها هتترد وفي وقتها المناسب
وكان فعلا سيدنا محمد عليه افضل الصلاة والسلام يردها لأهلها وفي وقتها المناسب لو حد استأمنكم على حاجه ليه لازم تكونو أدها
ولازم تصونو الامانه، واوعاكم في يوم من الايام تحسبوا إنها من حقكم لمجرد إن الشخص دا استأمنكم عليها، الحاجه اللي
الشخص استأمنكم عليها دي من حقه ولازم تترد
«رودو الأمانات إلى اهلها»
الجد يستكمل حديثه: واتلوا بالصدق يا اولاد في كل اموركم ومع اللي حوالكم عشان تكون محبوبين ومُتحابين من كل الناس واعتبرو
دي وصايا مني ليكم
محمد ووليد وهنا وريماس في صوت واحد: ربنا يخليك لينا يا جدو وتعيش وتعلمنا، من حضرتك نستفيد.

الاسكريبت الثالث

حوار على البحر وحكمه في كلمات:-

مكان هادي بعيد عن زحمة الساعات ودوشة الايام، ووجع الليالي وتفاصيل وحكاوي بتبتدي بكلمه في المكان دا وبتنتهي بايجابيه وتصفيه ذهون ونفوس وحلول ملهاس آخر

«على البحر»

ومن هنا هبيدا حوار الأب مع أولاده

الأب: ها ايه رأيكم بقا في الجو الهادي الراسي دا

حسين: هو جو هادي اشطا يعني مختلفناش بس مش شايف انو ممل شويتين كدا يابوب

الاب: ممل؟!!

دا أنت أهبل وعبيط لما مكان زي دا ببسلب منك الطاقه السلبيه وببحسك براحه نفسيه كبيره وهدوء تام ويعجب العين وريح

الأعصاب وميعجبكش بيقا أنت أهبل

حسين: ربنا يسامحك يابوب انا أهبل أنا، ياعم لو كنت عاوز مكان جامد وراسي كنا نروح الساحل، الجونه، الغردقه، هتشوف

الجمدان هناك

الأب: سيبك زحمة ودوشه ووجع دماغ، مالو هدوء البحر ياما داوى جروح وطببط على قلوب، والله انتو فايتمكو كثير

على: وايه اللي فايتمنا بقا يابوب

الأب: حجات كثير انتو تايهين عنها

اكرم: وايه هي يابوب

الاب: يعني مثلا العزله والالعاب الالكترنيه،والنت، عالم التكنولوجيا لما اطور اخدكم معاه لسكك كثير واشهرهم العزله والوحده

أكرم: ازاي يابوب م احنا بنسلى وقتنا

الاب: تسلى وقتك بس مش لدرجة أنك تهجر أهلك لمجرد انهم بس منتظرينك تقعد معاهم في جو عائلي لطيف، مفيش صلة رحم الا

كل سنه مره، إلا من رحم ربي، وفي بقا اللي بيعدل في كل حاجه في حياتو باستخدام التكنولوجيا بيستفيد منها ويباخذ كورسات سواء

جرافيك أو اسعافات، أو ذكاء اصطناعي أو مجالات غيرها، ودا بحر علم ملوش نهاية وبيعمل بمقولة اعرف شيء عن كل شيء ولا

تعرف كل شيء عن شيء

على: ايه الحكم دي يابوب

حسين: بس يابوب انا شايف إن الانسان مسؤول عن حياتو ينجح يفشل يوصل او يقف عند نفس النقطه اللي هو فيها

الاب: مختلفناش حياتك في ايديك وانت حر فيها، بس فكر فيها لامتى الفاشل هيفضل فاشل، ومش هيعدل من نفسو في حاجات

موجوده فيه هو عارف انها لازم ولا بد انها تتغير

، والنجاح برضو لازم يسعي اكثر واكثر عشان يحافظ على اللي هو فيه

اكرم: بس يابوب هو كدا كدا ناجح هيعمل ايه تاني

الاب: لا ان كان كل واحد ناجح قال ما انا كدا كدا ناجح ومطورش نفسو اكثر وجدد طموحو كل يوم هيفشل

حسين: ازاي يابوب انا دماغى لفت

الاب: بص بقا يافخر الكوره، انت لما بتبقى بتلعب كوره في النادي كل يوم وبتدرب نفسك وجبت قضيت شهر كامل مبتروحش

هيحصل ايه

حسين: بس انا مقدرش، ولو حصل هحس بخمول في جسمي والتمرينات اللي كنت بتمرنها لما اجي اعملها تاني مش هقدر اعملها

بمهارة زي الاول الا بعد مجهود كبير واكثر من الاول

الاب: شفت بقا انا بتكلم عن ايه

الاب: وانت بقا ياسي اكرم مش انت بارع في الكتابه

اكرم:(بفخر) ووبيشد في اللياقه اللي مش موجوده اصلا، ايوه يابوب

الاب: لو انت ياسي اكرم لو مثلا اهتميت انك تقرأ لكتاب كثير سواء في الادب او خيال فانتازيا او الدين او اي مجالات تانيه في

عالم الكتب

اكرم: ايوه يابوب بقرأ بس مش كثير يعني بس في كام مجال كدا مبجهمش ف مش بقرا عنهم كثير

الاب: مختلفناش بس اللي هيحصل وقت م تقرا كثير ان المعرفه هتزيد وانها بتنورك طريقك للصح والجهل يقتل البنى آدم ويمنعو

من حاجات كثيره في الدنيا وانو اقل من اي حد متعلم حتى لو معاه ملايين، الجهل دا عائق كبير، انت اقرأ في المجال اللي يعجبك

وخلي الحاجات دي جواك بس وقت م تطلعها براك ازاي وبشكل كويس ازاي ف دا ابداعك انت

الاب: يا ابني الموهبه اللي من غير علم ومعرفه عن كل حاجه في مجالها بتتدفن بدرى بدرى وبتنتسى، وال انت ايه رايك يا على

على: صح الصح يابوب

الاب: مش محتاج اقولكم انتو التلاته ان الدنيا هتاخذك وتحببك وتتسحل فيها وفي مشاغلها بس فى الاخر هتلاقى نفسك محتاج لمة وعيلة وامان، ف اللى اهم من المشاغل والناس هم الاهل، عيش معاهم ثانية بثانية ودقيقه بدقيقه ويوم بيوم يمكن تقوم فى يوم متلاقيش ولا فرد فيهم جمبك
علي وحسين واكرم فى نفس واحد: ربنا يخليكم لينا بابوب
الاب: ويخليكم ليا، يلا بقا الجو تلج هنا ونبقى نعيد السهره بقا بس مع مامتكم بقا.